

ZAPISNIK SA 16. SJEDNICE UO SAMOSTALNOG SINDIKATA RADNIKA U BHRT-u, U MANDATU 2019-2023, KOJA JE ODRŽANA U UTORAK 27.10.2020. GODINE

Prisutni: Damir Smital; Neda Tadić; Džemal Kahrica; Elvis Čengić; Ekrem Agić; Mustafa Baručija; Edis Fočo; Dragan Miljević; Sadin Kavazović; Merima Kurtović Pašalić; Josip Sogović; Samir Gadžo; Mubera Herac

Odsutni: Nihad Arnautović; Mensud Grbo; Rifat Kukić - **opravdano**
Omer Bukić - **neopravdano**

Dnevni red:

1. Zapisnik sa 15.sjednice
2. Aktuelna situacija u BHRT-u
 - mišljenje o izmjeni sistematizacije
3. Izmjena Poslovnika o radu UO
4. Članstvo (E. Čengić)
5. Finansije
 - Izvještaj blagajnika (D. Karšić)
 - Adriatic
 - Nabavka audio snimača
 - Nabavka medicinske opreme
6. Pomoć
 - Podjela pomoći (M.Herac, M. Baručija, R. Kukić)
 - Rad komisije
7. Razno

AD 1. D.Smital je na osnovu člana 35. Statuta Samostalnog sindikata radnika u BHRT-u, u 12.37. sati otvorio 16. sjednicu UO SSR u BHRT-u i predložio dopunu dnevnog reda sa novom tačkom 3: Izmjena poslovnika o radu UO sindikata. Dnevni red je jednoglasno usvojen sa izmjenom D.Smitala kao i zapisnik sa 15 redovne sjednice UO sindikata.

AD 2. D.Smital je informisao UO da je kolegij sindikata (D.Smital, D. Kahrica i E.Čengić) 15.10.2020.godine održao sastanak sa menadžmentom (generalni direktor i pomoćnica za razvoj). Sindikat je dobio informaciju da bi HTZ oprema trebala biti realizovana do kraja godine, rampa za parking bi trebala biti u funkciju u novembru mjesecu. Osnovica plate ostaje ista do daljnjeg jer su prihodi od naplate takse umanjani za oko 100 hiljada na mjesečnom nivou u odnosu na period prošle godine. Pregovori sa EP su počeli za produženje ugovora za naplatu RTV takse i EP razmatra ukidanje svojih poslovnika.

Doprinosi za zdravstveno su uplaćeni do jula mjeseca i dio avgusta, dok su ostali doprinosi uplaćeni do juna mjeseca.

Kupljena je audio oprema za studio C i D, a u planu je i kompletiranje opreme za prelazak na HD signal i kupovina kamera za IT Centre. Jedan dio opreme će kupiti RTV FBiH. Sindikat je tražio da se realizuju ugovori za saradnike koji rade duže od godine dana na BHRT-u s tim da se konsultuju rukovodioci odsjeka i odjela.

Raspisan je javni poziv za prodaju zemljišta (koje se protrže do mosta na Alipašinom polju) nekih cc 30000 m², u svrhu izgradnje kongresnog centra.

Raspisan je tender za nabavku opreme za brzu rezervu. Sindikat je tražio od menadžmenta kupovinu poklon bonova za radnike za Novu Godinu. Menadžment je informisao sindikat o dugu restorana prema BHRT-u koji iznosi preko 20000KM i da se vode pregovori sa M.Homarcem o rješavanju duga i nastavku saradnje.

Menadžment nije bio za pregovore oko kolektivnog ugovora zbog finansijskog stanja u BHRT-u. Sindikat je insistirao na pregovorima oko kolektivnog ugovora na način da se razmatraju djelovi o radnom vremenu, radu na terenu, zaštiti na radu i odnosu sa sindikatom. Pravna služba će dostaviti primjedbe na ove djelove Kolektivnog ugovora do 06.11.2020.godine, nakon čega će sindikat dostaviti iste pravnom zastupniku sindikata.

Menadžment je pokušao izraditi novu sistematizaciju po principu da je najniža plaća osnovica i da se smanji raspon svih plaća što je sindikat i tražio. Za ovakav model sistematizacije je neophodno još 30% sredstava.

Dana 08.10. 2020. godine BHRT je u skladu sa članom 94. stav 1.a) Zakona o radu u institucijama BiH dostavio SSR u BHRT-u akt broj 101-2383/20 sa prijedlogom dopune Pravilnika o sistematizaciji BHRT-a, na način da se uvodi novo radno mjesto: Savjetnik generalnog direktora. Uz akt je dostavljen i opis radnog mjesta i zatraženo je mišljenje sindikata.

SSR u BHRT-u je dana 13.10. 2020. godine zatražio od BHRT-a da dopuni prijedlog brojem izvršilaca i KSP-om za to radno mjesto. Menadžment BHRT-a je SSR u BHRT-u dana 20.10. dostavio traženu dopunu.

UO Sindikata je jednoglasno usvojio mišljenje u kojem se kaže:

Samostalni sindikat radnika u BHRT-u smatra da ne postoji potreba za dodatnim radnim mjestom Savjetnik generalnog direktora (2 izvršioca), obzirom da je Pravilnikom o sistematizaciji već predviđeno radno mjesto Pomoćnik generalnog direktora sa 3 izvršioca, koji po opisu svojih poslova mogu vršiti poslove predloženog dodatnog radnog mjesta Savjetnik generalnog direktora.

Želimo istaći da je od donošenja postojećeg Pravilnika o sistematizaciji vršena dopuna isključivo za radna mjesta sa najvećim KSP-om, iako je SSR u BHRT-u od svog nastanka konstantno ukazivao na loše strane postojećeg pravilnika, kao i na

nedostatak Pravilnika o napredovanju i nagrađivanju i Pravilnika o posebnim i ekstremnim uslovima rada i rada na visini, koji zajedno sa pravilnicima o plati i sistematizaciji čine jednu cjelinu.

Zbog svega navedenog, predloženi prijedlog dopune sistematizacije, uvođenjem novog radnog mjesta: Savjetnik generalnog direktora, nije prihvatljiv za SSR u BHRT-u.

I dalje stojimo pri stavu da bi rješenje za BHRT i njegove radnike bilo donošenje potpuno novog Pravilnika o sistematizaciji.

AD 3. D.Smital je u skladu sa trenutnom epidemiološkom situacijom, predložio izmjene člana 27. a koji govori o načinu odlučivanja. Nakon kraće rasprave, UO Sindikata je sa 12 glasova za i 1 protiv donio odluku o izmjeni Poslovnika o radu UO, u članu 27. stav 1. nakon riječi „mogu glasati” dodaje se tekst „ video pozivom „

U članu 27. stav 3. briše se tačka i dodaje tekst „, osim u slučaju vanredne situacije kada nije moguće obezbijediti prisustvo na sjednici najmanje 12 članova UO. O vanrednosti situacije odlučuje kolegij Upravnog odbora.”

D.Smital će ukoliko ostane ovakva situacija sa korona virusom, uputiti dopis Ministarstvu Pravde BiH polovinom marta i tražiti smjernice za sindikat obzirom da do kraja aprila sindikat u skladu sa zakonom mora dostaviti finansijski izvještaj Ministarstvu Pravde BiH.

AD 4. E.Čengić je izvjestio UO o broju članova sindikata kao i broju članova saradnika/penzionera. UO je usvojio zaključak da se članovi koji nisu izmirili članarine informišu i pozovu da uplate istu u likvidaturi kod blagajnika sindikata.

AD 5. Blagajnički izvještaj D.Karšić za septembar 2020. godine je primljen k znanju.

M.Herac je izvjestila UO da je u mjesecu septembru realizovano 7 registracija što iznosi 101,10KM povrata za sindikat.

Izvještaj o realizaciji ugovora sa Adriatic osiguranjem je primljen k znanju.

S.Gadžo je istakao da je dobio dvije ponude za kupovinu tonskog snimača i to u iznosu od 381,23 KM odnosno 409,50 KM. Obzirom da se radi o istom modelu audio snimača UO sindikata je donio jednoglasno odluku o kupovini istog u iznosu od 381,23 KM. Izvršni sekretar će dostaviti podatke S.Gadžu kako bi sindikat dobio predračun firme za kupovinu.

Dž.Kahrica je istakao problem nedostatka higijenskih sredstava u ambulanti i predložio da sindikat donira higijeska sredstva ambulanti. Nakon kraće rasprave, UO Sindikata je jednoglasno donio odluku o kupovini medicinske opreme za ambulantu u RTV domu. Ukupan odobreni iznos utroška sredstava je do 100 KM. Za realizaciju ove odluke zadužen je Dž.Kahrica.

AD 6. Komisija za dodjelu finansijske pomoći (M.Herac, R.Kukić, M.Baručija) predložila je da novčanu pomoć za mjesec oktobar dobiju slijedeći članovi: Biljana Šarić 500KM (I dio), Samir Macić 350KM (I dio), Josip Vučak 240KM.

Ukupno 1090,00KM. Prijedlog komisije je da poklon bon u vrijednosti od 200KM(ostali kuponi od Konzuma) dobije Antonela Pehar Šimunović za rođenje djeteta. Prijedlog komisije je usvojen sa 12 glasova za, jedan član UO nije glasao.

J.Sogović je napustio sjednicu zbog dispozicije rada.

E.Čengić je iznio primjedbe na rad komisije i istakao da neće više učestvovati u donošenju odluka o pomoći.

M.Herac je obrazložila sve odluke i istakla da prioritet imaju ljudi koji prvi put podnose zahtjev za pomoć kao i hitni slučajevi. Nakon duže rasprave, UO Sindikata je izglasao povjerenje Komisiji za dodjelu pomoći sa 7 glasova za, 1 protiv, 2 suzdržan i 2 člana UO nisu glasala.

D.Smital je zaključio 16.sjednicu UO Sindikata u 14.18.sati.

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital